

დანართი № 2 - სახელმწიფო შესყიდვების შესახებ ხელშეკრულების პროექტი

(სახელმწიფო შესყიდვების შესახებ მოცემული ხელშეკრულების ფორმა და პირობები შესაძლებელია დაზუსტდეს ხელშეკრულების დადების მომენტისათვის მხარეთა მოლაპარაკების საფუძველზე)

ქ. თბილისი

, 2019 წ.

ერთის მხრივ, ა(ა)იპ სარკინიგზო ტრანსპორტის კოლეჯი (შემდგომში - „შემსყიდველი“), წარმოდგენილი ----- სახით, და

მეორეს მხრივ, ----- (შემდგომში - „მიმწოდებელი“) წარმოდგენილი ----- სახით,

იმ გარემოებიდან გამომდინარე, რომ 2019 წლის -- შემსყიდველის მიერ „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის “--” ქვეპუნქტის შესაბამისად გამოცხადებულ ტენდერში NAT-- გამარჯვებულად გამოცხადდა ----- ფასით ----- ლარი დღგ-ს ჩათვლით, ვთანხმდებით შემდეგზე:

1. ხელშეკრულების საგანი

1.1. წინამდებარე ხელშეკრულების საგანია შემსყიდველის მიერ საზეინკლო სახელოსნოსთვის ჩარხების და მათი შემადგენელი ნაწილების (შემდგომში - საქონელი) სახელმწიფო შესყიდვა წინამდებარე ხელშეკრულებით გათვალისწინებული პირობების შესაბამისად (CPV-).

1.2. საქონლის დასახელება, მახასიათებლები, რაოდენობა და ფასი ერთეულის მიხედვით მოცემულია წინამდებარე ხელშეკრულების დანართ №1-ში, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. მხარეთა უფლება-მოვალეობები

2.1. შემსყიდველი უფლებამოსილია მოსთხოვოს მიმწოდებელს ხელშეკრულებით ნაკისრი ვალდებულებების დროულად და სრულად შესრულება.

2.2. შემსყიდველი ვალდებულია, უზრუნველყოს შესაბამისი ანგარიშსწორება ხელშეკრულებით გათვალისწინებული პირობებითა და ოდენობით.

2.3. მიმწოდებელი უფლებამოსილია, მოსთხოვოს შემსყიდველს ხელშეკრულებით ნაკისრი ვალდებულებების დროულად და სრულად შესრულება.

2.4. მიმწოდებელი ვალდებულია, მიაწოდოს შემსყიდველს ნივთობრივად და უფლებრივად უნაკლო საქონელი და მასთან დაკავშირებული აუცილებელი დოკუმენტაცია.

3. საქონლის მიწოდების პირობები

3.1. მიმწოდებელი ვალდებულია საქონლის მიწოდება უზრუნველყოს ხელშეკრულების გაფორმებიდან

3.2. საქონლის მიწოდებას მიმწოდებელი უზრუნველყოფს საკუთარი ხარჯებით, შემდეგ მისამართზე: -----

3.3. შემსყიდველისათვის საქონლის გადაცემისას მიმწოდებელსა და შემსყიდველს შორის ფორმდება მიღება-ჩაბარების აქტი, რომელსაც ხელს აწერენ მხარეთა მიერ უფლებამოსილი პირები.

3.4. შემსყიდველი უფლებამოსილია უარი განაცხადოს უხარისხო საქონლის მიღებაზე.

4. საქონლის ხარისხი და გარანტია

4.1. მიმწოდებელი იღებს ვალდებულებას, რომ მიწოდებული საქონელი იქნება ახალი, ხარისხიანი და დააკმაყოფილებს ხელშეკრულებით შეთანხმებულ ტექნიკურ მაჩვენებლებს და საქონლისადმი დადგენილ სტანდარტებს.

4.3. საქონლის ნაკლის/დეფექტის/ხარვეზის გამო წარმოშობილი პრეტენზიის წარდგენის პირობები რეგულირდება წინამდებარე ხელშეკრულებითა და საქართველოს მოქმედი კანონმდებლობით.

4.4. ნაკლის/დეფექტის/ხარვეზის არსებობის შემთხვევაში, მიმწოდებელი თავისი ხარჯითა და პასუხისმგებლობით უზრუნველყოფს მის გამოსწორებას შემსყიდველის მიერ ნაკლის/დეფექტის/ხარვეზის გამოვლენის თაობაზე მისთვის (მიმწოდებლისათვის) გაგზავნილი წერილობითი შეტყობინების მიღებიდან შეტყობინებაში მითითებული გონივრული ვადის განმავლობაში. ნაკლის/დეფექტის/ხარვეზის გამოსწორება უნდა მოხდეს შემსყიდველის მოთხოვნის შესაბამისად საქონლის ახალით შეცვლით ან მისი შეკეთებით/გამოსწორებით.

4.5. მიმწოდებლის მიერ შემსყიდველისათვის მიწოდებულ საქონელზე საგარანტიო ვადა შეადგენს --- თვეს საქონლის მიწოდებიდან (მიღება-ჩაბარების აქტის გაფორმებიდან).

4.6. მიმწოდებელი იძლევა პირობას/გარანტიას, რომ დაიცავს შემსყიდველს მესამე პირების მხრიდან წამოყენებული ნებისმიერი პრეტენზიისაგან ან/და აუნაზღაურებს შემსყიდველს ყველა იმ დანახარჯს, რაც შეიძლება მას მიადგეს მიმწოდებლის მიერ წინამდებარე ხელშეკრულების პირობების დარღვევის ან არაჯეროვნად შესრულების გამო.

5. ხელშეკრულების ღირებულება და ანგარიშსწორება

5.1. ხელშეკრულების საერთო ღირებულება შეადგენს ----- ლარს დღგ-ს ჩათვლით და მოიცავს მიმწოდებლის ყველა ხარჯს დაკავშირებულს საქონლის შემსყიდველისათვის მიწოდებასთან, მათ შორის, საქართველოს კანონმდებლობით გათვალისწინებულ ყველა გადასახადს, მოსაკრებელსა და სახდელს.

5.2. ანგარიშსწორების განსახორციელებლად საჭირო დოკუმენტ(ებ)ი:

- სასაქონლო ზედნადები;
- საბოლოო მიღება-ჩაბარების აქტი;
- საგადასახადო ანგარიშ-ფაქტურა;

5.3. ანგარიშსწორება მიმწოდებელთან წარმოებს ლარში, უნაღდო ანგარიშსწორების ფორმით, საქონლის სრულად მიწოდებიდან და 5.2 პუნქტით გათვალისწინებული დოკუმენტ(ებ)ის სრულად წარმოდგენიდან არაუგვიანეს 10 სამუშაო დღის ვადაში.

6. ხელშეკრულების შესრულების უზრუნველყოფის საბანკო გარანტია

6.1. წინამდებარე ხელშეკრულების შესრულების უზრუნველყოფის მიზნით, მიმწოდებელმა შემსყიდველს წარუდგინა უპირობო და გამოუთხოვადი საბანკო გარანტია წინამდებარე ხელშეკრულების საერთო ღირებულების --%-ის ოდენობით, რომელიც აკმაყოფილებს NAT----ტენდერის სატენდერო დოკუმენტაციით განსაზღვრულ მოთხოვნებს.

6.2. შემსყიდველი უფლებამოსილია გამოიყენოს 6.1 პუნქტში მისთვის გადაცემული ხელშეკრულების შესრულების უზრუნველყოფის საბანკო გარანტია (მოთხოვნის მიზეზის ან საფუძვლის დამტკიცების გარეშე) იმ შემთხვევაში, თუ მიმწოდებელი დაარღვევს წინამდებარე ხელშეკრულების პირობებს ან ვერ უზრუნველყოფს წინამდებარე ხელშეკრულებით გათვალისწინებული ვალდებულებების ჯეროვან შესრულებას.

6.3. ხელშეკრულების შესრულების უზრუნველყოფის საბანკო გარანტიით განხორციელებული გადახდა არ ათავისუფლებს მიმწოდებელს ხელშეკრულების შეუსრულებლობით შემსყიდველისათვის მიყენებული და საგარანტიო თანხით აუნაზღაურებელი ზიანის (ზარალის) ანაზღაურების ვალდებულებისაგან.

6.4. იმ შემთხვევაში თუ მიმწოდებლის მიერ ვერ ესწრება ხელშეკრულებით გათვალისწინებული საქონლის სრულად მიწოდება მხარეების მიერ ხელშეკრულების ხელმოწერიდან -- განმავლობაში, მიმწოდებელი ვალდებულია, ხელშეკრულების შესრულების უზრუნველყოფის საბანკო გარანტიის მოქმედების ვადის გასვლამდე არაუგვიანეს 5 კალენდარული დღისა, ხელშეკრულების შესრულების უზრუნველყოფის საბანკო გარანტიას გაუგრძელოს მოქმედების ვადა იმგვარად, რომ დაცული იყოს NAT--- ტენდერის სატენდერო დოკუმენტაციით განსაზღვრული მოთხოვნები და საბანკო გარანტიის მოქმედების ვადად უნდა განისაზღვროს შემსყიდველის მიერ დამატებით განსაზღვრული ვადა (არა უმეტეს 60 (სამოცი) კალენდარული დღისა საქონლის მიწოდების სავარაუდო საბოლოო ვადაზე).

6.5. შემსყიდველი, მიმწოდებლის მოთხოვნის შემთხვევაში, ხელშეკრულების შესრულების უზრუნველყოფის საბანკო გარანტიას უბრუნებს მიმწოდებელს საქონლის სრულად მიწოდებიდან და საბოლოო მიღება-ჩაბარების აქტის გაფორმებიდან 30 კალენდარული დღის განმავლობაში.

7. პასუხისმგებლობა და ხელშეკრულების პირობების შეუსრულებლობა

7.1. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

7.2. ნაკლიანი საქონლის მიწოდების შედეგად შემსყიდველისთვის, ან მესამე მხარისათვის მიყენებული ნებისმიერი ზიანის ანაზღაურება ეკისრება მიმწოდებელს.

7.3. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

7.4. საქონლის მოწოდების დაყოვნების შემთხვევაში მიმწოდებელი ვალდებულია გადაუხადოს შემსყიდველს პირგასამტეხლო ყოველ ვადაგადაცილებულ კალენდარულ დღეზე ხელშეკრულების საერთო ღირებულების 0,1%-ის ოდენობით.

7.5. მიმწოდებლის მიერ პირგასამტეხლოს გადახდა, საქართველოს სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვანად შესრულების მოვალეობისაგან.

7.6. მიმწოდებლის მიერ ხელშეკრულების შეწყვეტის/საქონლის მიწოდებაზე უარის თქმის შემთხვევაში, მიმწოდებელს დაეკისრება პირგასამტეხლო ხელშეკრულების საერთო ღირებულების 5%-ის ოდენობით, ასევე შესაძლებელია პირგასამტეხლოს თანხა შემსყიდველის მიერ მიღებულ იქნას მიმწოდებლის მიერ მისთვის წარდგენილი საბანკო გარანტიებიდან გარდა იმ შემთხვევებისა, როდესაც მიმწოდებელი ხელშეკრულებას შეწყვეტს/საქონლის მიწოდებაზე უარს იტყვის ხელშეკრულების მე-11 მუხლის მე-2 პუნქტში მითითებული გარემოებების საფუძველზე.

7.7. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

8. მხარეთა პასუხისმგებლობისგან გათავისუფლება

8.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს მაჟორულ გარემოებებად).

8.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

8.3. მხარეები ვალდებული არიან განსაზღვრონ წინამდებარე ხელშეკრულების ფორსმაჟორულ მოვლენებთან მისადაგების საკითხი. მხარე, რომელსაც ეხება ფორსმაჟორული გარემოება, შესაძლებლობის ფარგლებში ვალდებულია, მოიძიოს ალტერნატიული გზები თავისი ვალდებულებების შესრულების მიზნით.

8.4. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

8.5. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

9. ხელშეკრულებაში ცვლილებების შეტანა

9.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

9.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

9.3. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთდება ხელშეკრულებას და ჩაითვლება მის განუყოფელ ნაწილად.

9.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

10. ხელშეკრულების ძალაში შესვლა და მოქმედების ვადა

10.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს ----- წლის -----.

10.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

11. ხელშეკრულების შეწყვეტა

11.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

11.2. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:

ა) რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა;

ბ) ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს;

გ) სსკ 398-ე მუხლით გათვალისწინებულ შემთხვევაში.

11.3. შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე. ხელშეკრულება წყვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

12. დავების გადაწყვეტა, მარეგულირებელი სამართალი

12.1. მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.

12.2. შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.

12.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13. დასკვნითი დებულებები

13.1. ხელშეკრულება შედგენილია ქართულ ენაზე.

13.2. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

13.3. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.

13.4. ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

14. მხარეთა რეკვიზიტები და ხელმოწერები